

ՈՐՈՇՈՒՄ ԹԻՎ 20-62

ԿԱԼԻՖՈՐՆԻԱ ՆԱՀԱՆԳԻ ԳԼԵՆԴԵԼ ՔԱՂԱՔԻ ՔԱՂԱՔԱՅԻՆ ԽՈՐՀՐԴԻ ՈՐՈՇՈՒՄԸ՝ ԵՐԿԱՐԱԶԳԵԼՈՒ ԳԼԵՆԴԵԼ ՔԱՂԱՔԻ ԱՐՏԱԿԱՐԳ ԻՐԱՎԻՃԱԿՆԵՐԻ ԼԻԱԶՈՐՈՒԹՅԱՆ ՆԵՐՔՈ ՀՐԱՊԱՐԱԿՎԱԾ ՆԱԽԿԻՆ ՈՐՈՇՈՒՄԸ, ՈՐՈՎ ՏՐՎԵԼ ԵՆ ՀԱՆՐԱՅԻՆ ԿԱՐԳԱԴՐՈՒԹՅՈՒՆՆԵՐ՝ COVID-19-Ի ՊԱՏՃԱՌՈՎ ԴԵՄՔԻ ՊԱՇՏՊԱՆԻՉ ՄԻՋՈՑՆԵՐ ԿՐԵԼՈՒ ՎԵՐԱԲԵՐՅԱԼ; ԵՎ ԱՅԼ ՀԱՐԱԿԻՑ ԵՎ ՕՐԻՆԱԿԱՆ ՆՊԱՏԱԿՆԵՐԻ ՀԱՄԱՐ

Հաշվի առնելով, որ միջազգային, ազգային, նահանգային և տեղական առողջապահական և կառավարական մարմիններն արձագանքում են շնչառական հիվանդության բռնկման հետևանքներին, որն առաջացել է Կորոնավիրուս 2019 (COVID-19)՝ նոր տիպի կորոնավիրուսով պայմանավորված ծանր սուր շնչառական հիվանդության պատճառով, և վիրուսի ախտանիշների թվում են՝ ջերմությունը, հազը և դժվար շնչառությունը, իսկ վարակված անձանց շրջանում տարբեր արդյունքներ են գրանցվել՝ թեթև հիվանդությունից մինչև ծանր հիվանդություն և մահ; և

Հաշվի առնելով, որ 2020 թ. մարտի 4-ին Կալիֆորնիա նահանգի նահանգապետը հայտարարեց արտակարգ դրություն՝ լրացուցիչ ռեսուրսները մատչելի դարձնելու, նահանգային բազմաթիվ գործակալություններում և գերատեսչություններում արդեն իսկ սկսված արտակարգ իրավիճակի գործողությունները պաշտոնական դարձնելու և նահանգում COVID-19-ի ավելի լայն տարածմանը նախապատրաստվելուն օգնելու նպատակով; և

Հաշվի առնելով, որ 2020թ. մարտի 4-ին Լոս Անջելեսի վարչաշրջանի վերակացուների խորհուրդը և Հանրային առողջության վարչությունը հայտարարեցին տեղական և հանրային առողջության արտակարգ իրավիճակ՝ ի պատասխան երկրում կորոնավիրուսի տարածման աճին; և

Հաշվի առնելով, որ 2020 թ. մարտի 13-ին Ամերիկայի Միացյալ Նահանգների նախագահը հայտարարեց ազգային արտակարգ իրավիճակ և հայտարարեց, որ դաշնային կառավարությունը մատչելի կդարձնի արտակարգ իրավիճակների ֆինանսավորումը, որպեսզի աջակցի նահանգային և տեղական իշխանություններին՝ կանխելու COVID-19- ի տարածումը և անդրադառնալու դրա հետևանքներին; և

Հաշվի առնելով, որ 2020 թ. մարտի 16-ին Գլենդելի քաղաքային խորհուրդը, համաձայն Գլենդելի Քաղաքային օրենսգրքի 2.84 գլխի, հայտարարեց տեղական արտակարգ դրություն և կարգադրեց փակել և մուտքի սահմանափակումներ կիրառել որոշ հասարակական հաստատությունների վրա; և

Հաշվի առնելով, որ կորոնավիրուսի տարածումը նվազեցնելու նպատակով Կալիֆորնիա նահանգի, Լոս Անջելեսի վարչաշրջանի և Գլենդել քաղաքի քաղաքացիների ձեռնարկած ջանքերը վերջին մի քանի ամիսների ընթացքում պսակվել են բավարար հաջողությամբ, Վարչաշրջանի առողջապահության պաշտոնակատարը շարունակում է թույլատրել զգուշորեն, աստիճանական վերադարձը՝ ավելի շատ բիզնեսների, սոցիալական և այլ գործունեությունների համար; և

Հաշվի առնելով, որ քաղաքում վերաբացման այս լրացուցիչ բաղադրիչներն

ավելացնելով՝ մարդիկ ավելի շատ են շփվելու միմյանց հետ՝ ստեղծելով ռիսկ, որ վիրուսի փոխանցումը կավելանա, և ամենաուժեղ պաշտպանություններից մեկը, որը մենք՝ որպես հասարակություն, կարող ենք իրականացնել, քանի դեռ շարունակում ենք ավելի շատ անձամբ շփվել միմյանց հետ, դա դիմակների ավելի շատ օգտագործումն է; և

Հաշվի առնելով, որ հիմնարար գիտական ապացույցները ցույց են տալիս, որ երբ դիմակ կրելը զուգորդում ենք ֆիզիկական հեռավորության պահպանման և առողջության և անվտանգության այլ գործելակերպերի հետ, ինչպիսիք են՝ ձեռքերը լվանալը և մակերեսների կանոնավոր ախտահանումը, ապա լրացուցիչ գործողությունները կարելի է վերսկսել հնարավորինս անվտանգ ձևով, և քանի որ մենք հավաքականորեն ավելի շատ ենք գտնվում համայնքում, պետք է համապատասխանաբար ավելացնենք այն քայլերը, որոնք ձեռնարկում ենք՝ մեզ շրջապատողներին պաշտպանելու համար: Դրանով մենք պաշտպանում ենք ոչ միայն մեր համայնքի անդամներին, այլև, ի վերջո, ինքներս մեզ և մեր հարազատներին, հատկապես նրանց, ովքեր տարիքի կամ առողջական խնդիրների պատճառով խոցելի խմբում են գտնվում; և

Հաշվի առնելով, որ, երբ հանրության շրջանում մարդիկ, ընդհանուր առմամբ, կրում են դիմակներ, ապա քաղաքն ավելի լավ է կարողանում շարունակել վերաբացել բիզնեսները և ավելի անվտանգ կերպով վերսկսել գործունեությունը՝ ի շահ բոլորի, և այդ պատճառով, դիմակներ կրելու վերաբերյալ հասարակական կարգը վերանայվում է՝ ընդհանուր առմամբ լուծելու գործունեությունների ավելացման փոփոխությունները:

ԳԼԵՆԴԵԼԻ ՔԱՂԱՔԱՅԻՆ ԽՈՐՀՐԴԻ ԿՈՂՄԻՑ ՈՐՈՇՎՈՒՄ Է, որ

ԲԱԺԻՆ 1. Սույն Հրամանն ուժի մեջ կմտնի հունիսի 3-ին՝ ժամը 11:59-ին, և կշարունակվի ուժի մեջ մնալ մինչև 2020 թվականի հունիսի 30-ը, և այն վերանայում և փոխարինում է թիվ 20-55 Որոշումը:

- A. Ինչպես օգտագործվում է սույն Հրամանում, «Դիմակը» նշանակում է կտորից, գործվածքից կամ փափուկ կամ թափանցիկ այլ նյութից պատրաստված դեմքը ծածկող միջոց՝ առանց անցքերի, որը ծածկում է միայն քիթը և բերանը և դեմքի ստորին հատվածը: Այն դիմակը, որը թաքցնում է այն կրողի աչքերը կամ ճակատը, չի համարվում պատշաճ դիմակ: Դիմակի օրինակները ներառում են շարժը կամ բանդանան, պարանոցի փաթաթանը, վերնաշապիկից, շապիկից կամ սրբիչից տան պայմաններում պատրաստված դեմքի ծածկող միջոցը, որն ամրացվում է ռետինե ժապավենով կամ այլ կերպ, կամ դիմակ, որը պարտադիր չէ, որ բժշկական լինի: Դիմակը կարող է լինել գործարանային, կամ կարող է ձեռագործ լինել և հանպատրաստից կարված լինել սովորական կենցաղային իրերից: Դիմակը պետք է լինի հարմարավետ, այնպես, որ օգտագործողը կարողանա շնչել քթով և ստիպված չլինի այն հաճախակի կարգավորել, որպեսզի խուսափի դեմքը շոշափելուց: Այն դիմակները, որոնք մեկանգամյա օգտագործումից հետո դեն չեն նետվում, անհրաժեշտ է հաճախակի լվանալ, և հարկավոր է ունենան լրացուցիչ դիմակ, որպեսզի կրելու համար մաքուր դիմակը միշտ հասանելի լինի: Դիմակը լվանալու վերաբերյալ տեղեկատվությունը հասանելի է CDC-ի կայքում՝

<https://www.cdc.gov/coronavirus/2019-ncov/prevent-getting-sick/how-to-wash-cloth-face-coverings.html>:

Քանի դեռ բժշկական կարգի դիմակների քանակը քիչ է, ինչպիսիք են՝ N95 դիմակները և վիրաբուժական դիմակները, հասարակության անդամները չպետք է գնեն այդ տեսակի դիմակներ՝ սույն Հրամանի համաձայն կրելու համար. այդ բժշկական դիմակները պետք է վերապահվեն բուժաշխատողների և շտապ արձագանքման աշխատակիցների համար:

Ցանկացած դիմակ, որը ներառում է միակողմանի փական (սովորաբար այն բարձրացված պլաստիկ գլան է՝ մեկ քառորդ չափով, դիմակի առջևի կամ կողմի հատվածում), որը նախատեսված է հեշտ արտաշնչելու համար, թույլ է տալիս կաթիլներին դուրս գալ դիմակից՝ վտանգելով մոտակայքում գտնվողներին: Արդյունքում, այս դիմակները սույն Հրամանի նախատեսված կարգով չեն համարվում դեմքի պաշտպանիչ միջոցներ և չպետք է օգտագործվեն սույն Հրամանի պահանջներին համապատասխան:

Դիմակ պատրաստելու մասին տեսանյութը և այն կրելու և լվանալու մասին լրացուցիչ տեղեկություններ կարող եք գտնել CDC կայքում՝ <https://www.cdc.gov/coronavirus/2019-ncov/prevent-getting-sick/diy-cloth-face-coverings.html>:

B. Քաղաքում գտնվող յուրաքանչյուր անձ մշտապես պետք է դիմակ կրի, երբ դուրս է գալիս տնից, բնակելի միավորից կամ այլ բնակավայրից (երբ գտնվում է «Բնակավայրից դուրս»), բացառությամբ հետևյալ դեպքերի.

1. Մինչև 2 տարեկան երեխաները (ներառյալ նորածինները) չպետք է կրեն դեմքը ծածկող միջոցներ: 2-ից 8 տարեկան երեխաները պետք է կրեն դրանք, սակայն գտնվեն մեծահասակների հսկողության ներքո, որպեսզի համոզվեն, որ երեխան կարող է անվտանգ շնչել և խուսափել խեղդվելուց կամ շնչահեղձ լինելուց: Շնչառական խնդիրներ ունեցող երեխաները չպետք է կրեն դեմքը ծածկող միջոցներ: Հաշմանդամության որոշ տեսակներ ունեցող անձինք, զբաղվելով թույլատրելի գործունեությամբ, ազատվում են դիմակներ կրելու պահանջից, եթե պահպանում են սոցիալական հեռավորության պահանջները և հետևում են բոլոր նահանգային հրահանգներին և Լոս Անջելեսի վարչաշրջանի հանրային առողջության արարողակարգերին, որոնք հասանելի են ներբեռնելու համար այստեղ՝ http://www.lapublichealth.org/media/Coronavirus/docs/HO/O/HO_Order_COVID-19_Safer_at_Work_and_in_the_Community_05292020_FINAL_WithAppendices.pdf: Համապատասխան

ձեռնարկությունների համար (i) արարողակարգերի ծանուցումը պետք է տեղադրված լինի հաստատության մուտքի մոտ կամ մոտակայքում, որպեսզի այն հեշտությամբ տեսանելի լինի հանրության և աշխատողների կողմից, և (ii) արարողակարգերի կրկնօրինակները պետք է տրամադրվեն հաստատությունում աշխատող յուրաքանչյուր աշխատողի, և (iii) ձեռնարկությունը պետք է, ըստ պահանջի, արարողակարգերի իրագործման մասին ապացույցներ ներկայացնի սույն Հրամանն իրականացնող ցանկացած լիազոր մարմնին:

2. Անձը կարիք չունի դիմակ կրելու, երբ (i) միայնակ է կամ գտնվում է միայն իր տան կամ բնակելի միավորի անդամների հետ՝ որևէ շենքում կամ փակ տարածքում, օրինակ՝ աշխատանքի ժամանակ, (ii) վեց ոտնաչափ տարածության վրա ուրիշ ոչ ոք չկա, և (iii) հավանական չէ, որ մյուսները՝ գործընկերները, հաճախորդները, շինարարական աշխատանքներ իրականացնող անձնակազմը կամ հասարակության անդամները հաջորդ մի քանի օրվա ընթացքում մի քանի բույսերից ավել կգտնվեն նույն տարածքում: Դիմակը պետք է կրել, եթե անձը աշխատում է կամ զբաղվում է այնպիսի գործունեությամբ, երբ ուրիշները պարբերաբար ներկա են, նույնիսկ եթե այդ ժամանակ անձը միայնակ է՝ մակերեսները վարակելու ռիսկի պատճառով, որին շուտով կարող են դիպչել մյուսները: Չսահմանափակվելով հետևյալ օրինակով՝ դիմակը պետք է կրել, եթե անձը գործընկերների հետ կիսում է նույն գրասենյակը կամ առանձին գրասենյակը՝ այլընտրանքային ժամանակացույցով, կամ գտնվում է այնպիսի տարածքում, որտեղ համօգտագործվում են այնպիսի սարքավորումներ, ինչպիսիք են՝ գործիքներ, պարագաներ, պատճենահանման սարքեր կամ համակարգիչներ: Դիմակ պետք է կրեն նաև հետևյալ անձինք՝ սանտեխնիկները, ուսուցիչները, խնամքի օգնականները կամ մաքրուհիները, ովքեր այցելում են այլ անձանց տներ կամ բնակավայր՝ աշխատանք կատարելու համար, և յուրաքանչյուր ոք, ով այնտեղ է ապրում, այցելուի ներկայությամբ նույնպես պետք է դիմակ կրի:

Դիմակ հարկավոր չէ կրել, երբ անձը միայնակ է մասնավոր գրասենյակում կամ տարածքում, որը չի համօգտագործվում մյուսների կողմից, և հավանականություն չկա այդտեղ այցելելու առանց նախազգուշացման, սակայն եթե մեկ այլ անձ մուտք է գործում անմիջական տարածք և, հավանաբար, կմնա մոտակայքում, երկուսն էլ շփման տևողության

ընթացքում պետք է դիմակ կրեն:

Եվ յուրաքանչյուր ոք, ով պատրաստում է սնունդ կամ այլ իրեր՝ վաճառքի կամ այլ անձանց մատակարարելու համար, պարտավոր է դրանք պատրաստելիս մշտապես դիմակ կրել, անգամ եթե միայնակ է կատարում այդ գործողությունը:

3. Տրանսպորտային միջոցով միայնակ կամ բացառապես միևնույն ընտանիքի կամ բնակելի միավորի անդամների հետ ճանապարհորդող անձինք կարիք չունեն դիմակ կրել, եթե նրանք որևէ պատճառով չեն իջեցնում մեքենայի պատուհանները, օրինակ՝ արագ արձագանքման աշխատակիցների, սննդի ծառայության աշխատակիցների կամ իրենց տան անդամներից բացի այլ անձանց հետ հետ հաղորդակցվելու նպատակով:
4. Անձը կարող է դիմակ չկրել, երբ կարող է ապացուցել, որ աշխատելիս դիմակ կրելը կարող է ռիսկի ենթարկել այդ աշխատանքի հետ կապված անձին՝ ըստ տեղական, նահանգային, դաշնային կարգադրիչների որոշման կամ աշխատավայրի անվտանգության ցուցումների: Դիմակ չպետք է կրի նաև այն անձը, ով խնդիրներ ունի շնչելու հետ կամ անգիտակից վիճակում է, անաշխատունակ է կամ այլ կերպ չի կարող հեռացնել դիմակը՝ առանց օգնության: Անձը կարող է դիմակ չկրել, երբ դրսում աշխատելիս դիմակ կրելը վտանգ է առաջացնում անձի համար, քանի որ աշխատանքը պահանջում է էական ֆիզիկական ջանքի գործադրում, օրինակ՝ օրվա զգալի մասը կանգնած լինելը և քայլելը, և, եթե հանրության համար մուտքը կարող է սահմանափակել 6 ոտնաչափ աշխատանքային տարածքով, ինչպես նաև՝ պահպանել գործընկերների միջև համապատասխան ֆիզիկական հեռավորությունը:
5. Անձը կարող է դիմակ չկրել, երբ դրսում միայնակ է կամ իրենց տան կամ բնակելի միավորի անդամի հետ, և նրանք ունեն դիմակ, որը տեսանելի է և անմիջապես պատրաստ՝ ծածկելու քիթը և բերանը (օրինակ՝ պարանոցի շուրջը կախված), և դրսում նրանցից բացի ոչ ոք (նրանց սեփական տան կամ բնակելի միավորի այլ անդամներից բացի) 30 ֆուտ (10 յարդ) հեռավորության սահմաններում չկա: Խորհուրդ է տրվում, որ նույն տան կամ բնակելի միավորի անդամները դրսում գտնվելիս դիմակ կրեն, նույնիսկ եթե մոտակայքում այլ անձինք չկան, քանի որ ցանկացած պահի մարդիկ կարող են հայտնվել՝ առանց նախազգուշացման: Տեղեկատվության համար՝ 30 ֆուտը մոտավորապես երկու մեքենայի երկարությունն է՝ մի ծայրից մյուսը: Երբ մարդիկ մոտենում են միմյանց և, հավանաբար, կհանդիպեն առաջիկա վայրկյաններին, նրանք պետք է ծածկեն իրենց

դեմքը դիմակով, երբ գտնվում են 30 ֆուտ հեռավորության վրա: 30 ֆուտի այս կանոնը կիրառվում է, երբ մարդիկ գտնվում են մայթերին, զբոսայգիներում, ճանապարհին կամ քայլուղիներում կամ որևէ այլ բացօթյա տարածքում, և քայլում են, վազում, հեծանիվ վարում, այլ վարժություններ կատարում, կանգնած են կամ մոտոցիկլ, սքեյթբորդ, մոպեդ կամ սկուտեր են վարում: 30 ֆուտ (10 յարդ) հեռավորությունն այստեղ օգտագործվում է՝ դիմակը դնելու համար մարդկանց բավարար ժամանակ տրամադրելու համար, նախքան հեռավորության կրճատվելը և միմյանց հետ վեց ֆուտի վրա գտնվելը, որը նրանց ավելի մեծ ռիսկի է ենթարկում՝ վիրուսի փոխանցման համար:

Քանի որ ավելի շատ գործողություններ են թույլատրվում այժմ, ապա ավելի շատ մարդիկ միմյանց մոտ կլինեն՝ առանց նախապես նախազգուշացման, և այդպիսով՝ դիմակ կրելն անհրաժեշտ է, երբ մարդիկ գտնվում են 30 ֆուտի վրա:

6. Անձը կարող է դիմակ չկրել, երբ (i) միայնակ է կամ միայն իրենց տան կամ բնակելի միավորի անդամների հետ, (ii) նրանք ուտում կամ խմում են՝ ներսում կամ կամ դրսում, և (iii) ուրիշ ոչ ոք չկա վեց ֆուտ հեռավորության վրա: Մենդի մատուցման, օրինակ՝ ռեստորանների պարագայում՝ անհրաժեշտ է հետևել նահանգի կողմից տրված ուղեցույցներին կամ առողջապահության պաշտոնակատարի առանձին կարգադրություններին կամ հրահանգներին, և մատուցողներից կարող է պահանջվել դիմակ կրել:
7. Հասարակական անվտանգության շտապ արձագանքման անձնակազմը պետք է կրի դիմակ՝ համաձայն Հիվանդությունների վերահսկման կենտրոնի ուղեցույցի և ըստ Գլենդել քաղաքի վարչական քաղաքականության:

C. Անկախ վերը թվարկված բացառությունների՝ դիմակ կրելը պահանջվում է հետևյալ դեպքերում.

1. Անձը պարտավոր է դիմակ կրել, երբ այդպես պահանջվում է այլ առողջապահության պաշտոնյայի հրամանով կամ հրահանգով, ներառյալ, երբ այլ հրամանի կամ հրահանգի պահանջը սույն հրամանից ավելի սահմանափակող է:
2. Անձը պետք է դիմակ կրի, երբ աշխատում է որևէ վայրում, որտեղ գործ ունի սենդի կամ այլ մթերքների հետ, դրանց պատրաստման կամ փաթեթավորման, վաճառքի կամ այլ անձանց մատակարարելու համար: Այս պահանջը չի կիրառվում անձի սեփական տան կամ բնակելի միավորի անդամների համար սնունդ կամ իրեր պատրաստելիս:

3. Ցանկացած հասարակական տրանսպորտի կամ տարափոխադրման միջոցի, տաքսիի կամ անձնական մեքենայի ծառայության կամ ճանապարհը կիսող մեքենայի վարորդը կամ օպերատորը պետք է կրի դիմակ, երբ վարում է, շահագործում է, կանգնած է կամ նստած է այդպիսի տրանսպորտային միջոցում, անկախ այն բանից, թե իրենից բացի այլ անձ կա այդտեղ, թե ոչ՝ տրանսպորտային միջոցներում շնչառական կաթիլների միջոցով վիրուսի տարածումը մշտապես նվազեցնելու անհրաժեշտության պատճառով: Սակայն հասարակական տրանսպորտի վարորդներին կամ օպերատորներին թույլատրվում է հանել դիմակը, երբ տերմինալներում են՝ օպերատորի խցիկում նստած, տրանսպորտային միջոցը կանգնած է, և ուղևորներ չկան՝ օպերատորների խցիկի ֆիզիկական տարանջատման և մաքրման արարողակարգերի պատճառով:

D. Սույն հրամանի նպատակն է ապահովել, որ բոլոր մարդիկ, ովքեր քաղաքում իրենց բնակավայրից դուրս են գտնվում, ինչպես թույլատրվում է «Տանն ավելի ապահով է» հրամանով, կրեն դիմակներ՝ նվազեցնելով այն հավանականությունը, որ նրանք կարող են փոխանցել կամ վարակվել COVID-19 վիրուսով: Այսպես վարվելով՝ այս հրամանը կօգնի նվազեցնել վիրուսի տարածումը և մեղմացնել դրա ազդեցությունը հասարակության անդամների և կարիք ունեցողների համար առողջության խիստ կարևոր ծառայությունների տրամադրման համար: Սույն հրամանի բոլոր դրույթները պետք է մեկնաբանվեն՝ այս նպատակն իրականացնելու համար:

E. Գործատուները պետք է թույլ տան, որ իրենց աշխատակիցներն առնվազն յուրաքանչյուր 30 րոպեն մեկ ձեռքերը լվանան: Բոլոր այս գործատուները պետք է իրենց հաշվին աշխատողների համար ապահովեն ոչ բժշկական դիմակներ: Բոլոր այս գործատուները պետք է ապահովեն, որ իրենց աշխատակիցները կարողանան օգտվել մաքուր, սանիտարական սանհանգույցներից, որոնք գործատուի հաշվին ապահովված են բոլոր անհրաժեշտ մաքրող կամ ախտահանող միջոցներով, որն անհրաժեշտ է Լոս Անջելեսի վարչաշրջանի հանրային առողջության վարչության կողմից առաջարկված ձեռքի ախտահանման ընթացակարգերին հետևելու համար: Բոլոր այս գործատուները պետք է հաճախորդների, այցելուների և աշխատակիցների համար կիրառեն սոցիալական հեռավորության պահպանման միջոցառումներ՝ հնարավորության դեպքում յուրաքանչյուր անձի միջև ապահովելով վեց ոտնաչափ հեռավորություն: Բոլոր հաճախորդները և այցելուները պետք է կրեն քիթը և բերանը ծածկող պաշտպանիչ միջոցներ՝ աշխատողների և հաճախորդների համար լրացուցիչ պաշտպանություն ապահովելու համար: Բիզնեսի սեփականատերը կամ աշխատակիցը կարող է հրաժարվել ընդունել կամ ծառայություն մատուցել ցանկացած անձի, ով չի կրում դեմքը ծածկող պաշտպանիչ միջոց՝ ըստ այս Հրամանով նախատեսված կարգով: Բացի այդ, բոլոր մանրածախ բիզնեսներին խրախուսվում է տեղադրել պլեքսիգլաս ապակիներ՝ վաճառքի բոլոր

կետերում գանձապահներին և հաճախորդներին առանձնացնելու նպատակով:

F. Կորոնավիրուսից և COVID-19-ից պաշտպանվելու համար խաղաղապահ ոստիկանները կարող են օրինական կալանավորված անձանցից պահանջել դեմքը ծածկող հարմարանքներ կրել: Եթե անձը դեմքը ծածկող հարմարանք չունի, դրանք կտրամադրվեն ոստիկանների կողմից:

ԲԱԺԻՆ 2. Եթե սույն հանրային հրամանի կամ դրա կիրառման որևէ դրույթ անվավեր է ճանաչվում համապատասխան իրավասության դատարանի կողմից, ապա այդ անվավերությունը չպետք է ազդի հրամանների կամ սույն որոշման այլ դրույթների, բաժինների կամ դիմումների վրա, որոնք կարող են ուժի մեջ մտնել առանց անվավեր դրույթի կամ դիմումի, և այդ նպատակով՝ յուրաքանչյուր արտահայտություն, բաժին, նախադասություն կամ բառ հայտարարվում է բաժանելի:

ԲԱԺԻՆ 3. Վերոնշյալ հանրային հրամանների ցանկացած խախտման դեպքում կարելի է դիմել քաղաքային դատախազի գրասենյակ՝ հետաքննության համար՝ Գլենդելի Քաղաքային օրենսգրքի 1.20 գլխով սահմանված կարգով, որը նախատեսում է տուգանքներ՝ ոչ ավել, քան \$1,000-ի չափով, կամ ազատազրկում՝ ոչ ավել, քան վեց ամիս ժամանակով: Յուրաքանչյուր իրավապահ աշխատակից պետք է օգտագործի իր հայեցողությունը՝ այս հրամանի կիրառման շրջանակներում խախտումների համար, և մշտապես մտապահի հրամանի նպատակը: Խախտումները կարող են իրավական լուծում ստանալ նաև Գլենդելի քաղաքային օրենսգրքի 1.24-րդ գլխի դրույթներով, որոնք նախատեսում են տուգանքներ՝ այնտեղ ամրագրված այլ իրավապահական մեխանիզմների հետ մեկտեղ՝ առաջին դատակոչի համար՝ \$400 տուգանք, երկրորդ դատակոչի համար՝ \$1,000 և երրորդի համար՝ \$2,000:

ԲԱԺԻՆ 4. Սույն որոշումը և համապատասխան կարգադրությունները չեն փոխարինում Լոս Անջելեսի վարչաշրջանի կամ Կալիֆորնիայի նահանգի կողմից սահմանված ավելի խիստ սահմանափակումներին:

Ընդունվել է Գլենդելի քաղաքային խորհրդի կողմից 2020 թվականի հունիսի 2-ին:

Կ Գ Գ Գ Գ Կ
Քաղաքապետ

ՀԱՍՏԱՏՈՒՄ ԵՄ՝

Aram Adjemian
Քաղաքային խորհրդի քարտուղար

ԿԱԼԻՖՈՐՆԻԱՅԻ ՆԱՀԱՆԳ)
ԼՈՍ ԱՆՋԵԼԵՍԻ ՎԱՐՉԱՇՐՁԱՆ) SS.
ԳԼԵՆԴԵԼ ՔԱՂԱՔ)

Ես՝ Արամ Աճեմյանս՝ որպես Գլենդելի քաղաքային խորհրդի քարտուղար, սույնով հաստատում եմ, որ վերը նշված թիվ 20-62 Որոշումն ընդունվել է Կալիֆորնիա նահանգի Գլենդել քաղաքի քաղաքային խորհրդի կողմից՝ արտակարգ ժողովի նիստում, որը տեղի է ունեցել 2020 թվականի հունիսի 2-ին, և որ նույն որոշումն ընդունվեց հետևյալ քվեարկության արդյունքներով.

Կողմ՝ Բրոթման, Դիվայն, Քասախյան, Նաջարյան, Աղաջանյան
Դեմ՝ Չկա
Բացակա՝ Չկա
Ձեռնպահ՝ Չկա

Aram Adjemian
Քաղաքային խորհրդի քարտուղար

ՈՐՊԵՍ ՁԵՎ ԸՆԴՈՒՆՎԵԼ Է	
ԱՆՈՒՆ _____	Michael J. Garcia
ՊԱՇՏՈՆ _____	Քաղաքի դատախազ
ՍՏՈՐԱԳՐ. _____	Michael J. Garcia
ԱՄՍԱԹԻՎ _____	Հունիսի 3, 2020